



বাংলাদেশ ব্যাংক
(সেন্ট্রাল ব্যাংক অব বাংলাদেশ)
প্রধান কার্যালয়
মতিঝিল, ঢাকা-১০০০
বাংলাদেশ
Website: www.bb.org.bd

ক্রেডিট গ্যারান্টি ডিপার্টমেন্ট

সিজিডি সার্কুলার লেটার নং- ০১

১ জুলাই ২০২৪
তারিখঃ -----
১৭ আষাঢ় ১৪৩১

প্রধান নির্বাহী/ব্যবস্থাপনা পরিচালক
বাংলাদেশে কার্যরত সকল তফসিলি ব্যাংক ও আর্থিক প্রতিষ্ঠান।

প্রিয় মহোদয়,

কুটির, মাইক্রো, ক্ষুদ্র ও মাঝারি উদ্যোগ (সিএমএসএমই) এবং আর্থিক
অন্তর্ভুক্তি খাতে ক্রেডিট গ্যারান্টি সুবিধার বিপরীতে গ্যারান্টি ফি প্রসঙ্গে।

শিরোনামোক্ত বিষয়ে সিজিডি সার্কুলার নং-০১ তারিখ: ৮ নভেম্বর ২০২৩ এর প্রতি আপনাদের দৃষ্টি আকর্ষণ করা যাচ্ছে।

- ২। সূত্রোক্ত সার্কুলারে ক্রেডিট গ্যারান্টি ফি সংক্রান্ত অনুচ্ছেদ ৪.৬(ক) ও (খ) এর মাধ্যমে ক্রেডিট গ্যারান্টি ডিপার্টমেন্ট ও ব্যাংক/আর্থিক প্রতিষ্ঠান এর মধ্যে সম্পাদিত দ্বি-পাক্ষিক অংশগ্রহণ চুক্তির আওতায় ব্যাংক/আর্থিক প্রতিষ্ঠান কর্তৃক বাৎসরিক ভিত্তিতে প্রদেয় গ্যারান্টি ফি সংক্রান্ত নির্দেশনা প্রদান করা হয়।
 - ৩। অর্থনৈতিক প্রবৃদ্ধি অর্জন, ধনী-দরিদ্র ও আঞ্চলিক বৈষম্য হ্রাস, নারীর ক্ষমতায়নসহ অন্তর্ভুক্তিমূলক উন্নয়ন নিশ্চিতকরণে সিএমএসএমই ও আর্থিক অন্তর্ভুক্তি খাত গুরুত্বপূর্ণ অবদান রাখছে। সিএমএসএমই ও আর্থিক অন্তর্ভুক্তি খাতের উদ্যোক্তাদের মাঝে ক্রেডিট গ্যারান্টি সুবিধা অধিকতর ব্যয় সাশ্রয়ী ও সহজলভ্য করার লক্ষ্যে গ্যারান্টি সুবিধার বিপরীতে প্রদেয় ফি হ্রাস করার আবশ্যিকতা পরিলক্ষিত হয়েছে।
 - ৪। এক্ষণে এ মর্মে নির্দেশনা প্রদান করা যাচ্ছে যে, ক্রেডিট গ্যারান্টি স্কিমে অংশগ্রহণকারী ব্যাংক/আর্থিক প্রতিষ্ঠানসমূহকে গ্যারান্টি রেজিস্ট্রেশনপ্রাপ্ত ঋণের উপর প্রথম এক বছরের জন্য ০.৫০ শতাংশ হারে গ্যারান্টি ফি পরিশোধ করতে হবে। গ্যারান্টি চলমান থাকা সাপেক্ষে প্রথম এক বছর অতিবাহিত হওয়ার পর পরবর্তী বছর হতে বার্ষিক ০.২৫ শতাংশ হারে অব্যবহিত পূর্ববর্তী দিনের গ্যারান্টিপ্রাপ্ত ঋণের মোট বকেয়া আসল স্থিতির উপর বার্ষিক ভিত্তিতে গ্যারান্টি ফি পরিশোধ করতে হবে।
 - ৫। উল্লিখিত ৪নং অনুচ্ছেদে বর্ণিত নির্দেশনা ব্যতিরেকে সিজিডি সার্কুলার নং-০১/২০২৩ এর অন্যান্য নির্দেশনা অপরিবর্তিত থাকবে।
 - ৬। ব্যাংক কোম্পানী আইন, ১৯৯১ এর ৪৫ ধারা এবং আর্থিক প্রতিষ্ঠান আইন, ১৯৯৩ এর ১৮ ধারায় প্রদত্ত ক্ষমতাবলে এ নির্দেশনা জারি করা হলো।
- এ নির্দেশনা অবিলম্বে কার্যকর হবে।

আপনাদের বিশ্বস্ত,

(নাহিদ রহমান)
পরিচালক (সিজিডি)
ফোনঃ ৯৫৩০১৭৯